

علوم اقتصادیه واجتماعیه

مجموعہ علم

ہر ایک بریجی کوئی نشر اولور

مؤسسی

احمد شعیب ، رفیع انور ، محمد ہارون

مترجمات

امول عمومیہ : کالیف : فاطمہ راجہ — سویا لیزم : حقندہ
تنقیدات : علی کمالی حکومت و خیریت : حقندہ سپنرک
فلسفہ : رضا نوری — انگریز نفوس : شامی : بدیع
نوری — تجارت : شریکری : م. م. — روسیہ : احمد شعیب —
فرانسہ : اختلال : کیری : احمد شعیب

مدیر و صاحب امتیازی :

محمد ہارون

نسفی : ۱۰ غروش

استانبول

امور ادارہ و تحریر : ملین مطیع

۱۳۲۹

روس

تبعات محیطه و معشریه

۶

فنلاندیا دوقه‌لئی ، لهستان قرالیتی ، بالطیق ایالاتی ، قریم وقازاقلرک اوطوردینی اراضی استتبا ایدلک شرطیه روس کویلولرندن تقریباً ۹۷ سنک طرز جریان حیاتی « میر » نامی ویریلن اصوله مستنددر . کویلولرک اتحادی بر « قومونوته » تشکیل ایدیورکه بوکا میر دیبورلر . بو کلمه‌نک معانی مختلفه‌سی واردر . مثلاً کویلولرک قومونوته‌سنه دلالت ایتدیکی کبی عینی زمانده‌ده « جهان » معناسنه کیور . فی‌الحقیقه‌ده یاشادیغمز بوجهان وسیع ایچنده میر باشلی باشنه مسدود کوچوک برعالمدر . عصر لرحه مدت روس کویلولوسی آنجق میر حیاتی یاشامشدر . کویلولو یالکز منسوب اولدینی قومونه یعنی ناحیه قارشق حقوق ووظیفه طایمشدی . میر ، کویلولو ایچین حقیقی کوچوک بر وطن کیدی . بزجه میرده ایکی مختلف عنصر مند مجدر . یعنی میر کلمه‌سیله اولاهالی محلیه‌یی ، مبانی‌یی ، اراضی‌یی ثانیآده قریه مجلسی ایله قوه اجرائیه‌سنی آکلاتمق ایسته‌یورز . بونده کویلولر ، مبانی ، حیوانات ، اراضی هپ داخلدر . میرده بعض تحدیداتدن صرف نظر قالدین‌ده ارکک کبی عینی حقوقه مالکدر . هر عائله اقامت ایتدیکی خانه‌یه و مشتملاتنه متصرفدر . ۱۸۶۱‌ده دولته وزادکانه عائد اولان اراضی « سرفلره Serf » ترک ایدلش و بونلرده تضمینات مقامنده اسکی متصرفلرینه ۹۹ سنه مدته بر ویرکی اعطاسنی قبول آیه‌مشردر . قومونده کبی اراضی

میرکدر . کویلو چالیشدینی طوپراتده محدود بر منفعت مالکدر . اراضی نفوس باشنه ۳ ویا ۴ هکتار نسبتده درکه یولاف ، حبوبات ، سبزه کی مختلف تارلاره آیرلمشدر . کویلو طوپراغک قیمتی تریید ایده جک صورتده بر اثر ترقی ابراز ایدرسه اوراسی کندیسنه برقاچ سنه دهه فضله برافیلیر .

قریه مجلسی کویک اداره سنه مأمورد . مقرراتی کوچوک بر هیئات اجرائیه معرفیه انفاذ ایدیلیر و بونک باشنده « استاروستا » وارد . بو ، میرک رئیس اولوب بر کویلو و بر عااله باباسی در . قریه نك اگمن و صرعی الحاطر کیمسه لری آراسندن اوچ سنه مدته انتخاب ایدیلیر . استاروستا بر مأمور رسمی دکدر : نه بر صفت رسمیه سی ونه ده بر امتیازی ، معاشی وارد . بو آدم کویلولرله سن پترسبورغ مأمورینی آراسنده واسطه تبلیغ و تبلیغدر . حکومتک دوغروندن دوغری یه کویلو ایله بر مناسبتی یوقدر . مثلاً ۱۰۰۰۰ هکتارلق و ۲۵۰۰ کیشیک بر میرک خزینه یه قارشی اولان مکلفیتده حکومت افرادک بو مکلفیتدن حصه لری بیلمک ایسته مز . میر بر مقدار ویرکی اعطاسیله مکلف اولوب یالکمز استاروستا اونک وقت وزمانده تأدیه سندن مسؤلدر .

دیگر طرفدن استاروستا عینی زمانده ده مهروصلح حاکمی در . کوپرولرک ، خدمات میاهیه نك ، مکتبلرک ، کلیسانک محافظه و اداره سنه ده باققیله مکلفدر . قریه ده کی اورمان بکجیسی ، اورمان مأموری ، چوبان کی آدم لرک وظیفه لری حسن ایفا ایدوب اتمه دکارینی تفتیش ایدر ، قرعه نفراتی جیوانی حاضرلار . لاکن پاپاسلری هپ سن سننود تعیین آیلر . قریه مجلسنده هر عااله ایچین بر اعضا وارد . زوجک وفات و یاغیوبتی حائده یرینه زوجیه سی ده کچه بیلیر . مجلسک اگ مهم وظائفی زراعت و حصاد مواسیله تکالیفک مقدارینی تعیین ایتکدر .

«میر» تماماً ملی برشیدر. ایمپراطولگک مؤسسات سائره‌سی یکی
 اجنیدن مقبوس دکلدر. میر، اوتوقراسینک خارچنده منفرد برمؤسسه
 محلیه، روس قومک یکانه غننه ذیحیاتیدر. روس قومونی اساساً اشتراک
 اراضیدن منبعثدر. طرزادارده‌نک همان قسم کلیسی طرز تصرفک بر نتیجه‌سی در
 اراضی و تکالیف خصوصنده کی اشتراک قریه اهالیسی آراسنده غایت
 صیق رابطه‌لر تولید ایتشددر. روس قومونلری غریبه کیلردن ده‌ا زیاده
 کنیش بردائرة فعالیتته، ده‌ا واسع برصلاحیته مالکدر. قانون اونک
 موجودیتی طایمقدن باشقه برشی یامامشدر. قومون اسارت زراعیه‌نک
 نتایجندن متأراولدینی کی بالاخره اسارتک الغاسیله‌ده عکس صدمه‌سی
 حس‌آیه‌مشدر. کوبولرک اسارتدن قورتولماسیله برابر قومونک‌ده موقعی
 یوکسلمشدر. وقتیه کوبولرک وصیتی اولان زادکان قومون اوزرنده‌ده
 وصایت حقیقه‌بی حائزیدلر. میر برمؤسسه اداره اولمقدن زیاده برمؤسسه
 اقتصادی ایدی.

اشتراک اراضینک نتایج طبیعه‌سندن بری بوتون قومون اعضالینک
 مساواتی در. بناءً علیه اونلر میرک امور و خصوصاته صورت متساویه‌ده
 تقاریریلر. ایسته بویوک روسیه‌نک بوتون قریه‌لرنده کی ساده واک صاف
 شکلی آلتنده کی ده موقراتیک اصول اداره بوسایه‌ده‌در. هرکس دوغریدن
 دوغریه یه کافه مذاکرات و مقرراته قارشیور بعض مملکتلرده، مثلاً
 عربلرده ملکیت مشترکه آلتنده‌ده اقتدار رئیس قبیله‌یه متروکدی. روس
 میرلرنده ایسه ارثی و شخصی هیچ برحکم و نفوذ یوقدر. مساوات نامه
 حکمفرمادر. بناءً علیه بویله بر قومونک حقوق و امتیازاتی عادات قدیمیه بناءً
 پک واسعدر. شخصیت مغنویه‌سی حبسیله افرادک یابدینی کافه معاملاتی
 اجرا ایده‌بیلیر. کندیسنه خاص نظاماتی، عاداتی واردر. بو حقوق
 عمومی‌ه ملیه اوزته‌سنده برنوع حقوق خصوصیه‌در. قومون، کوبولر اوزرنده

مستصرفلرک مستأجرلره قارنئی اولدینئی کئی بعض حقوقه مالکدر. زراعتک زمان و شرائطی، کویولرک درجه انتفاعی تعیین ایدر.

دیرلرکه حیات اجتماعیه نك مراتب ثلاثه سنئی تشکیل ایدن عائله، ناحیه دولت آراسنده غایت صمیمی روابط موجوددر. فی الحقیقه ده دولت، ناحیه، عائله عینی معدندن یابیلمش ویا لکن بویوکلک اعتباریه فرقلی عینی زنجیرک اوچ حلقه سی کیدر. ناحیه عائله نك توسعی اولوب دولت ده بوتون نواحینک اتحادی در. روسیه ده حکمدارک اقتداری ده بابانک اقتداری کئی نامحدود ایدی. الیوم چارک برعنوانی ده کوچوک بابادر. روس ایمپراطورلغی آشاغیدن یوقاری یه دوغرو بوتون اقسام ودرجائنده عینی پلان وعینی اسلوب اوزرینه بنا ایدلمش کیدر. بوتون طاشلر عینی طاش اوجاغندن کلمشه بکنزیور. وبوتون بناعینی تمیل اوزرینه یعنی «پاتریارقال اوتوریته» یه مستنددر. ایشته بوجیتندن ده روسیا دول قدیمه شرقیه یه یاقلاشهرق همان هپسی ده شخصانیت ودره بکلک اوزرینه مؤسس اولان دول جدید غریبه دن اوزاقلشیور.

بو مطالعات هم دوغرو وهم ده یاکلشدر. اوت، روسیه بر چوق جهتندن پاتریارقال بر دولتدر. دولت، ناحیه وعائله آراسنده اوزون بر رابطه، مرئی بر قرابت وارددر. حیات اجتماعیه نك بوتون سلسله مراتبنده حکمفرما اولان اوتوریته اساسی یکدیگرینک عینی در. وبوتون بو شیار جالب نظر دقت مشاهتلدر؛ لاکن هرشیده اولدینئی کئی حقیقی مشاهتلر ده یته بر طاقیم کوچوک فرقلر موجوددر. واقعا روس قومی عاداتنده پاتریارقال روحی محافظه ایدیورسه ده روس دولتی احتیاجات جدیده وخارجله مناسبک تحت تضییقنده صورت غریبه ده دیکشه رک بر حکومت قراطاسیه اولمشدر. پاتریارقال عائله نك ایکی صفت ممیزه سی واردی: بابانک نامحدود اقتداری، چوجوqlر آراسنده ملکیتک عدم تقسیمی. ایشته بو ایکی اساسدن دولت برنجی یی میرده ایکنجی یی محافظه ایتشددر. دولت

و قومون ایکی مختلف طریق تعقیب آیلهرک آموزش ابتدائیدن آیرلشاردر م.
 بوکون کویلو عائله سی بيله طبیعت اساسیه ابتدائیه سنی ضائب ایتمک اوزره در.
 بوتون بو مشابهلر ، بو فرقلر خارجنده بر شی قطعی در . اوده .
 کویلونک هنوز روسیه نی بر عائله ، چاری ده بر بابا کی تلقی ایتمه سی در .
 کویلولرک قومونی ایله اوتوقراسی روس تاریخک ایکی بویوک قوتیدر .
 فنالق بویکی شی آراسنده روس طوپراغندن یتیشمش جداملی بر مؤسسه نک
 یوقلغی در . روس طوپراغنده بوکون ده ذیحیات ایکی قوت وارددر : یوقارده
 اوتوقراسی ، آشاغیده قومون . لاکن بویکی قوت یکدیگری نه باغلانمحق
 یرده بالعکس وسائط مختلفه ایله آیرلشدر . چارله کویلو ایکی بیوک قوت
 قالمقلا برابر آرارلنده بر رابطه یوقدر . کویلو حکمدارندن بکله دیکی لطف
 وحایه یه نائل اولامادینی کی حکمدارده مدافعه شخصیه سنی کویلولره
 تودیع ایده میور . ایمپراطورک حیاتی کویلو حمایه یه ناصیل مقتدر دکلته
 چارده کویلولری مأمورینک تهدیاتنه قارشى اکثریا مدافعه یه مقتدر دکلدر .
 بحیا اداری عدم مرکزیت حر مؤسسات سیاسیه نک تولدینه خدمت
 ایدرمی ؟ میرک اعصار دیدد تاریخنه باقیایرسه خایر ! روسیه نک بزوارائه
 ایتدیکی مثاله کوره حریات محلیه ایله حریات سیاسیه منفرد ، رابطه سز
 ایکی مختلف شی اولابیلیور . بویکی نوع حریت عینی اقنومه مستندایسلر
 انحق اووقت معاونت مقابله ده بولونابیلیلر . حال بوکه ملل جدیدنک
 اکلا دینی عدم مرکزیت ایله روسیه ده کی نواحینک تعلیق آیلهدیکی عدم
 مرکزیتک اساسی بوس بوتون باشقهدر . بری افرادک حقوقنه حرمت
 ورعایت فکرینه دیگریده قومونه نک حکم و نفوذینه حرمت اساسنه
 مستنددر . ایشه میر اصولنک دتی حریت سیاسیه یه دوشروسوق ایده مه منک
 سبی . میرک اسارت و اوتوقراسی ایله اویوشایلمه سنی ده بویکیفیت ایضاح
 ایدر . میر حریت شخصیه یی باغلامش ، شخصیت اخلاقیه نک توسعه مانع

اولش حتی حقوق حسنی بیله بوغمشدنر . روسیه ده حقوق شخصیه هیچ یروقت معین دکلدی: اومتعاقباً عائله ، قومون، دولت وکلیسایک منفعتنه ائزیشدر . اوصورتده که روس تاریخی ، « اوتوریته » نك تاریخ توسی ایسه تاریخ غرب ده توسع حریتک تاریخی در . مع مافیه میر کویلولرک نام اوج عصر اسارت آلتده ازمکسزین یاشایه بیلمه لرینه خدمت ایتمش قومون ده کویلولری ایشلرینی بالذات کورمکه واشتراکه آلیشدیرمشدنر که بویایکی شی اواناقسزین هر حریت عقیمدنر . حاصلی میرک اساسنده حریت سیاسیه تشخی یوقسه ده برکون کلوبده اونک میوه لرندن لذت آلمغه روسلری حاضر لامشدنر . [*]

۷

بر مملکت نه قدر بویوک ، اهالی نه قدر داغنیق اولورسه اداره سی ده اولنبدننه مشکلدر . ایشته روسیه نك حالی . بوندن باشقه ائزاده اصول مرکزیت اینجانی هر شی پایتخته کله جکدر . نه بعد و مسائله ، نه متنوع عروق ونه ده اختلاف اقالیم . نظر دفته آلینور . مرکزیت قاعده سی هر شیده مداخله ایدیور ، هر طرفه آلی اوزاتیور . امتیازات محلیه ، عنفات تاریخیه مرکزک حکم ونفوذینه برحد تعیین ایدمه یور . مملکتک هر پارچه سی وصایت آلتنده در . آک بویوک ایشلرده اولدینی کبی آک اهمیتسز ایشلرده ده امر ونهی ایدن اداره مرکزیه در . نظارک مساعده سی ، مجلس وکلانک تصویبی ، حکمدارک اراده سی تفرعات

[*] روسیه باش وکیلی « ایستولین » ک اراضی حقنده کی مملکت سیاسی میر اصولی رینه تدریجاً ملکیت شخصیه بی اقله ایتمکدر . بوبابده تنظیم اولونان لایحه قانونیه نك ایمر اطورلق مجلسنده حین تدقیقنده اعضادن بعضیلری از جمله مشهور قونت ویته میرک محافظه سی نپنده اداره لسان ایتمشلردر .

اونلره نظراً میره آلیشمش اولان روس کویلولی ملکیت شخصیه اینجین لزومی درجه ده تربیه فکریه وقوه تشبیهیه مالک دکلدنر .

دفعه فردیت مملکی کویلولنک شرائط اقتصادیه و حیات معنویه سنی پک زیاده

- صارصه بقدر ...

امورده ببله ضروریدر . ظن ایدیلور که دولت هرشی بیلک و کورمک ، موهبه سنه مالکدر . قوجه روسیه ایمپراطور لنگن براوجندن دیگر اوجنه قدر نه برخسته خانه بریاتی ، ونهده بر مکتبه بر « بورس » حکومتله چارک مداخله و تسجیلی اولماق سزین یایلاماز . حال بوکه بونوع تفرعات امورله اشتغال مصالح مهمه دولته بحق اهمیت واعتنا ایدلمه سنه سبب اولویور . مرکزیت اداره هرشیده مثلاً معاونت عمومییه ، صنعت ، علمهده قاریشیور . هرشی نظام وقانون آلتنه وضع ایتک ، هرشیده اوزاقدن قرار ویرمک لازمدر ! مثلاً پلان وخریطه سی مرکزین کوندنرلمک سزین هیچ برکویده کلیسا و مکتب یایلامیور . روسیه ده حکمدار تبعه نک برنوع وصی وچوبانی کبی تلقی ایدلیدکندن اوده بالطبع تبعه سنی هنوز تحت وصایتده اولان چوجقلر کبی اداره ایدیور .

فرانسه ده اصول مرکزیت بالخاصه تاریخک ، سیاستک ، قرالیتک بر اثریدر . بعض یرلرده ایسه مثلاً روسیه ده بو ، طبیعت وبالذات طوپراغک بر نتیجه سی در . شرقی آوروپانک او واسع اووالری مرکزیت اداره و وحدت سیاسیة ایچین یایلمشدی . استحکامات ، حدود ملیه مفقوددی . روسیه ده وحدت ملیه حسی اقوام مختلفه یه رغما پک قوتلیدر . و مرکزیتی ایشه بو حس حاضرلشد . دیگر طرفدن ازمنه مختلفهده یاپیلان الحاق اراضی کیفیتی مرکزیتی بر ضرورت سیاسیة پامغه باشلادی . ایمپراطورلق بو یودکجه اُسکی مرکز تاریخی یه بوقتوحات مختلفه یی باغلایان دوکومی صیقمق ایجاب ایدیوردی . دینه بیلیر که روس دولتنک تاریخ تشکلی اصول مرکزیتک تاریخی در . بو بایده احوال اجتماعی و اقتصادی ده اسباب طبیعی و سیاسییه یاردم ایتشد . دواثر بلایه نک ضعفی ، حیات محلیه یه مرکز اولایله چک بویوک شهرلرک فقدانی ، قراده اراضی واسعه یه مالک زادگانک عدم موجودیتی ده مفرط مرکزیت بر سبب در . حکومت محلیه یی آله آلاچق صنوف جمعیتدن مملکت محرومدی .

مرکزیت و اوتوقراسی عینی اسباب وعینی شرائط آلتیده دوغمشدرد. هرایکسی ده بر طرفدن علت دیگر جهتدن نتیجه کی یکدیگری اوزرینه اجرای تأثیر ایتمشدر. وینه هرایکسی ده روسیه یه پک بویوک خدمت آیلهمش وپک ده بهالی به اوطور مشدر. روسیه مرکزیت سایه سنده اصلاحات پایا بیلهمش وقومی تمدین ایده بیلهمشدر. نظر حکومتده ملت بر طلبه اولدیغندن اوکادائمدارس ویرمک لازمدی. روسیاده هرشی بالادن، ایمراطورده، پایتختدن کلشدر. مملکتک یانی، محرکی حکومتدی. روسیا بر نفر کی اولوب حرکتی، توقفی، رجعتی و آلتی، باجانی قالدیرماسی مربی چاوشک قومانداسنه تابعدی. ایشته عصر لردنبری روسیه یه تطبیق ایدیلن بویله بر طرز اداره روسلری عطالته سوق ایتمش، قوه تشبیه دن محروم آیلهمش و حیات عمومیه یه قارشیده. لاقید براقشدر. حکومت بر چوق زمان حیات محلیه یی سوندرومکه چالشمشدی، شمعی اودفعه طوتوشدیر یلاماز. وصایت اداریه نك محافظه سی لهنده سرد اولونان اسبابدن بری ایالاتده افکار منوره اصحابنك آزلی و قوه تشبیه نك یوقلغیدر. فی الحقیقه ده بویکیفیت روس اصول مرکزیتی اسباب تاریخیه سندن بری تشکیل ایدر. لاکن اکثریا اولدینی وجه ایله بورادده علاج خسته لگی تداوی ایده جک یرده اونك تمادیسنه خدمت ایدیور. مرکزیت ارباب ذکای و اصحاب ثروتی پایتختله چکک دک داخلده نه فعالیت ونده حیات براقیور. دیگر جهتدن ده روسیه ده مرکزیتک تمامی تطبیقنه ایکی بویوک مانع واردرد: وسعت ممالک، جهالت مأمورین. روس حکومت قرطاسیه سی بویله مدھش بروطفه یی بحق ایفایه غیر مقتدر در. روسیه بر چوق زمانلر واسع بر چفتلک کیدی. واوراده افندی نك کیف وهوسندن باشقه هیچ بر قانون ملکی وعسکری یوقدی. بوتون اقتدار یی اللرنده جمع ایدن و چارک برنوع که یالری دیمک اولان وویوادرلک اوامری قانون ونظام حکمنده ایدی. غنغات تاریخیه نك، عادات محلیه نك اولدجیه اهمیتی واردی. بویوک پترو آسکی موسقوانک یرینه هر جهتدن

یکی بر پایتخت وجوده کتیرمک ایسته یوردی . فقط بونک ایچین مواد
انشائی و عملدن محرومدی . بر حکومت قرطاسیه دفعه میدانه کله مز .
آوروپادن کتیریلن مشوش ما کنه نی روس مأمورینی سوق واداریه مقدر
وکلردی . مرتکب ، لیاقتسز اللرده . ما کنه اداره انتظامه اجرای وظیفه
ایده مز . شیمدی ما کنه نی یوروتمکه مأمور اولان عملیه نی تدقیقندن اول
بالذات ما کنه نی تحلیل آیلیم :

مرکزده یکانه بر محرک ، چارک بی پایان اقتداری حکمفرمادی . بوتون
ما کنه نیک چرخلری چارک اوامری نی نقل ایتمکله مکلفدی . واقعا بیان
رأی و مطالعه یه مأذون بر شورای دولت واردی . فقط حکمدار بوجلاسک
رأی ایله عمل ایتمکله مجبور اولمایوب اونی تصدیق ، رد ویا تعدیل آیلیمک
حققی حائزدی . نتیجه ده شورای دولت موسسارینک بوتون امیدلری
بوشه چیتارمشدی . بر طرفدن قوه تشریعیه وظیفه سنی ایضا ایده چک دیگر
جهتندنده قوه اجرائیه نیک افعال وحرکاتی تحت مراقبه ده طو تاجقدی .
شورا بویکی وظیفه نی ده یایامادی . چونکه اعضا نرنده بردشیه نه استقلال
ونه ده حکم و نفوذ واردی دیگر طرفدن حکومت مصالح مهمه ایچین
اکثریا خصوصی قومیسونلر تشکیل اید یوردی . وبوندن دولانی ده
قوانین متجانس ویکنسق اولمایوردی چونکه یکدیگری نی طانیایان مختلف
قومیسونلرک محصولیدی . حاصلی شورای دولت و قومیسونلر مجالس
استشاره دن معدود اولوب قوه تشریعیه حکمدارک آتده ایدی .

نظارتلرک تشکیلی مرکزیت قلمیه ووصایت اداریه نی تربید ایتدی .
نظارتلر یکدیگرندن تماماً مستقادی . وهان هپسندن مختلف اسمرله بر
طاقیم مجلسار واردرکه بونلر چالیشما قسزین پاره آلمایه خادم برر موقعدی .
روسیه ده نظارتلر حال انفرادده اولوب هپسنک کنیدیسنه مخصوص وارداتی
ووزنه سی واردی . صانکه بونلر برینه قارشی محاربه یه مهیامستقل دولتلر
کیدی . اساساً روسیه ده ممالک غربیه ده اولدینی کی بر هیأت وکلا یوقدی .

دوایر مختلفه رؤسای آراسنده نه بر رابطه ، نه بر تعاون ، ونهده بر ریاست مشترکه موجوددی . بونلرک معین زمانلرده برلکده طویلانمالری بر شکلدن عبارتدی . چونکه هپسی دوعریدن دوعریه حکمداره مراجعت ایدیوردی . هپسی آنجق ایمراطوره قارشى مشؤلدى . نظاردن هانکیسی سرایده صاحب نفوذ ایسه ایستدیکی تداییر اداریه و سیاسیه نی حکمداره قبول ایتدیرمکه موفق اولویوردی . اعضای مختلفه حکومت مشترکاً ایضای وظیفه ایلجه جک یرده یکدیگرینه ضد افعال و حرکات ایله مصالح عمومیه دونی عقیم بیراقیورلردی . مثلاً مالیه ناظری داخلیه وعدلیه ناظرلرینک بودجه سندن قبول ایدلکدن سوکره خبردار اولویور ؛ حربیه ناظری ده خارجیه ناظرینک ناصیل برسیاست تعقیب ایتدیکنی بیلمیوردی . وایشته بوسورتاده اداره مملکتک هر نقطه سنده بر قاریشقلق حصوله کلپوردی .

نظار آراسنده اتحاد افکار اولمدینی کی بر نظارت داخلنده کی اعظم مأمورین ده ناظرلرینه قارشى مستقلدی . حکمدارک مظهر توجیهی اولان بویوک مأمورلر ناظردن استیذان ایتمکسزین کیفرینه کوزه حرکت ایدیوردی . نظار بیتنده کی عدم اتفاق مأمورلرده کچیوردی . حکمدارک مواجهه سنده مسؤلیت مشترکه وکلا قاعده سی پارلمنتو اصولنه دوعرو آتیلش بر خطو در . متجانس بر قابینه صاحب اقتدار حقیقی بر باش وکیل اولماق سزین اصلاً یاییلاماز . اوتوقراتلر حکم ونفوذلرینی محافظه ایتک ایچین بالذات کندیلری باش وکیل اولورلر . روسیه ده بر قاوور ؛ بر روبه ر پیل کی بر ریشلیو ، بر بیسمارق ده غیر قابلدی . اوتوقراسی اوپله بر کونش که پیک ایسته میور ؛ کندی پارلاقغنگ دوچار کسوف اولماسندن قورقیور .

یکدیگرینه مربوط ومسئولیت مشترکه قاعده سنه تابع بر قابینه نتیجه ده حکمداره قارشى بر طور استقلال آلیر . قابینه یاواش یاواش حکمدار قدر متواجهه ملتده ده کندیسنی مسؤل حسن ایتمکه باشلار . افکار عمومیه نظرنده حال اجتماعه اولمایان برنوع پارلمنتودر که اونک امنیت واعتمادینی

قازانمق لازمدر . مشترک بر پروغرامه تبعیت ایله متحداً حرکت ایدن نظاره قارشى نه قدر تحدیدات قانونیه یابیلسه ینه حکمدارک وسائط اجراییه سی اولامازلر .

روسیه ده وکلانک استعفا سی موجب حیرت برشیدر . چونکه براسیر افندیسنک امرایتدیکی خدماتی یامامق حقنه مالک دکلدر . نظار حکمدارک حقیر آلتنریدر ؛ اونک اوامرنی محاکمه یه ویاخود اجرادن امتناع ایله مکه صلاحیتلری یوقدر . کندی اختیارلریله استعفا ایتک اونلرده برنوع حس استقلال ومسئولیتک وجودینه دلالت ایدرکه بو جائز دکلدر . مع مافیه شوراسنی ده اونو تمامی که او آدمارک هدی اوزون مدت مقاملرنی محافظه دن پک ممنون وبختیاردرلر . روسیه تاریخنده نظارله سیاست عمومیه دن دولایي مشترکاً استعفا ایتدکلرینه دائر بر مثال یوقدر .

روسیه ده ایالاتک صورت تقسیمی تماماً اعتباری و غیر طبیعی در ؛ چار ایمراطورلق اراضیسنی ، غنعات تاریخیه یی و عروق مختلفه یی نظر دفته آماقنرین تقسیم ایلشدر . روس ایالاتی بو نقطه دن فرانسه ده پارتمانلرینه بکزر . هر ایکیسی ده فکر مرکزیتک محصولیدر . آرالنده کی فرق روس ایالاتک ده واسع اولماسیدر . هر ولایتک مساحت سطحیه سی ده اقلیمه ، کثافت نفوسه نظراً مختلفدر . متصرفلقلری ده آرونیدیسه مانلردن چوق بو یو کدر . بوتون اقتدار والینک النده در . مجالسک حق مراقبه سی اعتباری وشکلی در . حکومت قرطاسیه معیت مأمولرنده هر درلو استقلالی بوغمشدر . والینک وظائفی اوقدر چوقدرکه یالکز مرکزله مخبره کیفیتی بیچاره یی بونالدر . کندینه مودوع کافه مصالحی بالطبع احاطه یه غیرمقتدر اولدیغندن یابدینی شی پایتخن تلقی ایلدیکی اوامری تبلیغ ایتک واقلام طرفندن اتخاذ اولونان مقرراتک زیرینه امضا قومقدن عبارت قالیر . اوزاقدن مطلق براقداره مالک کورونه والی حقیقت حالده برسوق مأموریدر . رولی اودرجه دوندر . نفوذ واقداری یالکز شکلدن ، مراسم تشریفاتیه دن

عبارتدر . شخصنده بر اقتدار حقیقی یوقدر . امتیازات جدیدیه مالک ایالات مجالسک احداثی ده ولاتک اقتدارینی تحدیدایلشدر .

ذکا ، تتبع ، قوه تشبیه ، فکر استقلال کبی ترقی و تفوقک عوامل حقیقیه سی مأمورلرده مفقوددر . جهالت ، عطالت ، کوره نک روس اقلامک اوصاف میزه سندن اولوب اک وخیم خسته لخی ده ارتکاب وارثادر . خدمات عمومیه نک هپی فساد اخلاقک کافه اشکالی جامعدر . روسیه ده هرکس چالار . وجودک هر طرفه یابیلان برزهر کبی رشوت و فساد اخلاق ده بوتون اعضای جمعی زهرله مش ، بوتون وظائف و خدماتی یونندن جیقار مش ، ملتک قوا سی ضعیفلا مشدر . ارتکاب اک کوزل قانونلری اهمیتدن اسقاط ایش ، ثروت عمومیه نک ترقیسنه مانع اولمش ، محاربه میدانلرنده فجیع نتیجه لر حاضر لمشدر . روسیه ده روبله کمروک مأمورلرینک کوزلرینی قاپایور . پولیسلرک قولاقلرینی طیقایوردی .

خدمات عمومیه دولته حکفرما اولان بوفساد اخلاق بعض مورخلر روسلرک طبیعت اساسیه سنه عطف ایدیور . پاره خصوصنده ناموس وعفت روسیه ده آلمانیا ویافرانسه دن ده آزددر . اداری سوء استعمالاتک اسباب مختلفه سی واردر . بعضی سی صرف روسلره خاصدر . روس دواثری اکثریتله اخلاقسز کیسه لردن مرکبدر . صوکره اسارتک ، استبدادک بوتون صنوف جمعیت اوزرنده پک فنا تأثیرلری اولمشدر .

— مابعدی وار —

احمد شعیب

